

Cuatro Fogon Nobo Ta Ser Construi Pa Unidadnan Combina No. 5-6-7-8

Trabao a cuminza recientemente ariba cuatro fogon nobo, un pa cada di e Unidadnan Combiná number 5, 6, 7 y 8. Cobamentu di fundeshi pa U.C. No. 8 a cuminza na Mei, y e fogon mes segun programa mester ta cla na December di e anja aki. E di cuatro fogon lo ta cla pa uso mas of menos Maart di otro anja.

E fogonnan moderno lo tin un otro apariencia, pasobra bom di e fogon ta keda 12 pia ariba tera ariba un grupo di sostenedor di concret y staal.

Cada fogon tin diez kimador Esso, un tipo nobo di kimador na Lago cual lo sigura operacion mas eficaz di fogonnan. E kimadornan lo manda nan candela pariba y nan lo kima pitch lugar di gas combustible. Esaki lo resulta den mas gas combustible pa uso den e plantanan nobo HDS.

Pa reduci sonido, aire cu ta bai pa e kimadornan lo tin tuberia bao di tera, cu ta worde isolá for di suela te na bom di e fogonnan, mientras lo tin muffler instalá na e kimador-

nan mes.

Murajanan di e fogonnan lo ta 60 pia largu, 20 pia hanchu y 40 pia haltu, y nan lo ta furá cu klinkernan cu ta wanta candela, pasobra nan tin aluminio den nan. Ariba cada fogon lo tin un schoorsteen di diez pia di diametro, cu su top casi 200 pia riba tera.

E fogonnan nobo ta trahá segun diseño di ingenieronan di Esso Research & Engineering, mientras cu Foster Wheeler Italiana ta encargá cu e diseño mecanico y entrega. Trabaonan di fundeshi y instalacion di tuberia lo worde haci door di A. C. McKee & Co. y Saipem lo construi e fogonnan mes.

Encargá cu diseño di proceso tabata J. L. Templet di Technical-Process Engineering.

E proyecto total, cu ta costa banda di f. 7,500,000 ta worde completá bao direccion di Gerente di Proyecto Allan Temple, cu H. J. Frederiks como ingeniero na sitio di trabao, y Isaac Chin y Gene Goley como ingenieronan di proyecto.